

АССАЛАМ

www.assalam.ru

НА КУМЫКСКОМ ЯЗЫКЕ

БУСУРМАНЛАНЫ РУГЪАНИ-ЯРЫКЪЛАНДЫРЫВ ГАЗЕТИ

№ 04 (117) Айда бир керен чыгъарыла / апрель 2009 г. / рабиу-ль-ахир 1430 г. Багъасы 15 манат

«Ассалам» газетте – 15 йыл

1994-нчю йылны апрель айында бизин якълы охувчулар къолуна «Ассалам» деген газетни биринчилей алып, шону булан таныш бола. «Ассалам» деген сёз арапчадан «парахатлыкъ ва берекетлик» деп таржума этиле. Бу газет чыгъагъандан берли атына гёре иш къура. Шо 15 йылны ичинде «Ассалам» хыйлы къыйынлыкълардан оьтген ва гъали республикабызда оьзге информация къуралланы арасында гёрмекли ерин тутгъан.

Газетибизни аслу мурады – адамлагъа ислам динни къанунларын етишдирмек, ругъанилени яшавуну гъакъында айтмакъ, бусурман дюньяны янгылыкъларын бермек, демек – ругъани ярыкъландырыв. Республикабызда дин газет тынчыкъда аякъгъа турмагъанын да айтмагъа герек. Башлапгъы заманларда тюрлю-тюрлю себеплер болуп, газет токъташдырылгъан вакътисинде чыкъмагъа болмай да къала эди. Шо заманларда газет орус тилде ва айда эки керен чыгъа эди.

Сайтмугъаммат гъажи Абубакаров муфти этип сайлангъанда, газетте янашыв бютюнлей алышына. Ол жамиятгъа информация къураллар этеген таъсирни бек яхшы англай эди ва газетибизге ол береген агъамият нече де уллу эди. Ол газетни милли тиллерде чыгъармагъа да таклиф бере.

Бизин газет охувчулары генг къатлавларына бакъдырылгъан: «Ассалам» – къатынлар, оьрюмлер, яшлар учун да агъамиятлы. Гъар охувчу да бу газетден оьзюне пайдалы маълуматлар алмагъа бола. Масала, газетни бетлеринде чыгъагъан макъалаланы гъакъында айтса, мунда ислам динни къюрчюлерини, Къуръанны айры сураларыны, аятларыны, гъадислени англатьвларын, къылыкъга, эдепге байлавлу динибиз нечик янашагъаны, Дагъыстанны тарихинден, Кавказ даву гъакъында ва кёп-кёп оьзге масъалалагъа байлавлу макъалаланы охумагъа бола.

Газетде Ислам динни къюрчюлерин, ону тазалыгъын англатагъан, экстремистлени агъымы вагъабыланы юзюн ачагъан маълуматлагъа да герек чакъы агъамият бериле. Газетни гъар номеринде дегенлей адамлар тюз ёлну танглап болур йимик макъалалар

чыгъа. Бу иште алимлини гъаракаты айрыча гёрмекли.

1998-нчи йыл Дагъыстанны муфтиси этип Агъмат гъажи Абдуллаев сайлангъанда газетни тиражы хыйлы арта. Бара-бара «Ассалам» орус тилден къайры дагъыстанны миллетлерини тиллеринде де чыкъмагъа башлай. Гъали бу газет авар, дарги, къумукъ, лак, лезги, табасаран, мычыгъыш тиллерде де чыгъа. О замангъа умуми тиражы да 3 мингден 30 мингге оьсе.

2008-нчи йылны ахырына, орус тилде чыгъагъан «Ассалам» газетни тиражы 32 500-ге етише, умуми тираж буса 70 мингге ювукъ бола. Бу санавлар газетибиз оьсегенни де, охувчулар артагъанны да, ону таъсири де уллу болагъанны гёрсете. Натижада «Ассалам» газетни оьз охувчусу да, жамиятдагъы ери де мекенлеше.

Газет чыгъагъан он беш йыллыкъ вакътин ичинде редакцияны къуллукъчулары газетни яйыгда уллу иш этген деп толу кюйде айтмагъа бола. Гъалиги вакътиде «Ассалам» газет Дагъыстандан тышда, Россияны еринде де, гъатта СНГ-ни бир-бир уьлкелеринде де сатыла.

Чыкъмагъа башлагъан гюнюнден тутуп газет охувчулар булангъы байлавлугъун болгъан чакъы бек этмеге айланыв гъаракат эте. Лап кёп охулагъан бет деп сорав-жавапны бети де айтмагъа ярай. Бу бетде алимлер кёп созмай, берилеген соравлагъа мекенли жавап бере.

Газетни яратывчулукъ къуллукъчулары Ислам динни Дагъыстандагъы, Россиядагъы, оьзге дюньядагъы гъалын ачыкъ этмеге гъаракат эте. Газетни бетлери ахтарывчулар, алимлер, жамият чалышывчулар учун ачыл-



Ассалам-фото

гъаны да яшырттын тююл. Гъалиге редакцияда Россия журналистлерини союзуна 15 вакили ишлей ва шолар газетни ишин даим яхшылашдырывну гъайында десек къопдурув болмас. Белгили ислам оьр охув ожакълар булангъы къатнав, Дагъыстан ругъани идара булангъы тыгъыс байлавлукъ динни къюрчюлерине бакъгъан макъалаланы мекенли кюйде тергеп бермеге имканлыкъ бере.

Гъар макъала мекенли тергевден оьтмеге герек, айрокъда Дагъыстан йимик четим республикада. Ислам информация къураллар ишинде ялгъан пикирлардан, яман янгылыкълардан сакланып болмагъа тарыкъ. Газетибиз ислам маданиятны, жагъиллени яшавуну, тарбиялавлучулары гъакъында да яза турмагъа унутмай.

Оьзге четимликлени гъакъында айтмакъ да, газетни етишдирив масъаланы гъакъында айтмакъ да таманлыкъ этер. Бу масъала къайсы газет учун да агъамиятлылардан санала. УФС алагъан пай нече де кёп экенге гёре ва шоланы айыбындан га-

зет етишдиривде акъсакълыкълар болагъан саялы, язылывубуз бузукъ гъалгъа тарыгъан гезиклер де аз боламгъан. Ишни булай къоймагъа ярамайгъанны яхшы англайгъан редакция башгъа ёлну танглай. УФС-ден таба да, алда йимик, язылмагъа бола, тек шону булан янаша оьзюбюзню етишдирив къуллугъубузну да болдургъанбыз. Гъали бизин оьзюбюзню адамларыбыз етишдире газетни: почтагъа берилеген харж эгни олагъа гете ва гезет де заманында охувчулагъа етише. Натижада тираж да арта.

Редакцияны къуллукъчуларыны сыкълашгъан чалышыву да ва, озокъда, сизин, гъюрметли охувчулары, кёмеги де, «Ассаламгъа» оьсмеге де, Ислам динни яймагъа да, Аллагъны разилигин къазанмагъа да имканлыкъ бере. Аллагъ учун гъаракат – бизин аслу борчубуз.

Бу иште – Аллагъны динин Исламны яйыгда – бизге Яратгъаныбыз гюч де берсин, кёмек де этсин! Амин.

«Ассалам» газетни къуллукъчулары

Номерде:

4 ОХУВЧУ-ГАЗЕТ-ОХУВЧУ
Билмеге сюемен

5 ИЛМУ
Сафинатун нажат

6 ПАЙХАММАРНЫ ЯШАВУ
Нюрлю таварих

7 БИЛМЕ ГЕРЕК
Къуръангъа гёре яшама башлайыкъ

ЯНГЫЛЫКЪЛАР

Дюнъядагы лап къарт къатынгиши

Дюнъяда яшайган лап къарт къатын даим ораза тутган, бир де дарман ичмеген ва татлиликлени де артыкъ ашамаган.



Къазахстандагы Караганда деген шагъарда яшайган Сахан Досова авленини яшыны яшында тура ва ону суратлары Британияны айтылган газетлеринде ерлешдирилгенни де билмей. Буса да, Сахан-апа журналистлени кеп гелегенлигине уыйренип чи битген: халкъны милли гысапга алыву ойтгерилегенде 2009-нчу йылны март айында, бу ажайгъа 130 йыл битегени белгили болганда, газетлерде ишлейген мухбирлер буланы ожагъына кеп гелеген бола.

Сахан-апа къонакълагъа яшавуну гъакында талмай хабарлай. Бусурманлагъа борч оразаны да бу тамаша ажай ачмай тутта гелген. Ашыны гъакында айта туруп, бу къарт ажай татлиликлени кеп суюмейгенин билдире ва къурутулган тузулу уй уммабишлакъны да, талканны да (тартылган будай) айрыча сюегенин яшырмай.

Сахан Досованы паспортунда ол 1879-нчу йылны 27-нчи мартында тувган деп язылган. Шолайлыкъда ол белгили ахтарывчу Эдисонну электрик лампасыны тенглиси бола ва Эйнштейн булан бир йыл тувган. Бу къатын эки керен эрге барган ва экинчи эри Уллу Ватан давда Сталинград урушларда оылген.

Сахан-апа он яш тапган ва олардан гъалиге янгыз учевю сав. Бу ажайып узакъ яшайган къатынны къызы Кулькен де Карагандада яшай ва, анасындан ульго алып, кеп яш тапган. Ол, бу якъдан ондан озма да озуп, 20 яш тапган. Оланы барысын да Кулькен аякъгъа тургъузма да бажарган.

Кореядагы бусурманлар

Миллет якъдан алганда, Кореяда яшайган бусурманлар кеп тюрлю. Бу пачалыкъда ер-ерден гелген бусурманлар нече де кеп.

1967-нчи йыл къурулган Корея бусурманланы федерациясыны далиллери-



не гёре, Къыбла Кореяда 120–130 минг бусурман адам яшай. Аслу гъалда олар мунда ишлемеге гелген Азияны къыбла ва къыбла-гюнтувуш бойларындан чыкъганлар. Пакистандан ва Бангладешден гелгенлер айрокъда кеп. Амма корея давну йылларында ислам динни къабул этген кореялыланы наслуларыны санаву да аз тюгюл. Шолар 45 мингге ювукъ бар.

Артагъы йылланы ичинде Кореяда ачылган межитлени санаву нечесе юз бар ва олар, уллу шагъарлардан къайры, оьзге ерлерде де бар. Межитлер бусурманланы ругъ яшавуну центры болуп токътай. Бир миллиондан артыкъ адам яшайган Гуангжу, Бусан, Дэгу йимик шагъарларда гъарисинде ондан да артыкъ межит ачылган. Лап уллу межит буса Сеулда, Итэун деген районда ерлешген.

Бу уьлкеде бусурманланы санаву гъаргю дегенлей артагангъа гёре, ислам билим беривню масъаласы да арагъа чыгъа. Кореяны бусурманлары яшлар учун динден дарс береген школа ачыларгъа ажайып кюйде умут эте.

– Биз Бусанда гиччи школа ачмагъа сюебиз, – дей Хасиб Агъмат Хан. Пакистанлы бу далапчы адам Кореяда яшайганы он йылгъа ювукъ бола. Бу адамны сёзлерине гёре, жумагонлер ерли бусурманлар, жума намазлагъа жыйылган сонг, гъажатлылагъа кёмек этелер, аврувланы уьстуне баралар, жамият учун пайдалы оьзге ишлер этелер.

Ислам динни гъакында билмеге сюегенлер учун Кореядагы межитлени эшиклери даим ачылган. Онда бусурман динни гъакында адабият, аудио ва видео маълуматлардан теп-тегин пайдаланмагъа болалар.

Спортчулар да хиджаб чечмей

Массачусетс штатда (США) яшайган Балкис Абдель-Къадир дейген охувчу къыз ерли школаны баскетбол командасыны «юлдузу» деп гысаплана, неге тюгюл, ол, биринчилерден болуп бу спортда 3 минг бал къазанмагъа бажарган.



Охувчу спортчу учун шо нече де кеп санала. Къызъяшыны сёзлерине гёре (ол ислам дин талап этеген кюйде гийине), булай оьрлюкळेге етип, ол хиджаб спорт уьстюнюкळेге етмеге пуршав этмейгенин гёрсетмеге мурад тутган.

– Бусурман тиштайпалар спорт оьрлюкळेге етмеге суюгенде, динине гёре юрюмеге бажарылагъанны белгилемеге болдум деп, гёрсетмеге бажарганман, – дей мухбирлеге бу жагъил «юлдуз».

Балкис айтаган кюйде, ол спорт булан 8-нчи класдан тутуп машгъул. Амма, бир аз заманлар гетген сонг, ол хиджабдан айрылмажагъын англай. Башлапгы заманларда огъар хиджаб байлап юрюмеге нече де къыйын болган эди буса да, ол гёз алгъа тутган муратларындан тайышмай. Ондан

къайры, белгили болган кюйде, хиджаб чечмей спортда да уьстюнюкळेге етмеге бажарган.

Россия ислам дюнъя булан ювукълашма сюе

Россияны Президенти Дмитрий Медведев Ислам конференцияны Къурумунда (ОИК) бизин пачалыгъыбыз ислам дюнъя булан генг кюйде къатнама, огъар ювукъ болма сюегенин ачыкъ этген.



«Россияны да, ОИК-ни де айрыча къатнав байлай. Биз къурумда янгыз къаравчулар гысапта къалма суюмейбиз, толу ортакъчылыкъ этме ихтиярыбыз бар», – деген Д.Медведев ОИК-ни баш секретары Экмеледдин Игъсаногълу булангы ёлугъувунда.


Россияны Президенти айтган кюйде, Москва ОИК-ни ислам дюнъядагы ерин бек яхшы англай. «Россияда кеп тюрлю динлени юрютегенлер яшай, шоланы ичинде бусурманлар да бар, шо саялы Россия ОИК булангы ва ислам дюнъя булангы аралыкъны генг кюйде юрютмеге сюе», – дей Д.Медведев.

Ондан къайры, Президент билдирген кюйде, Россия ювукъ гюнтувуш масъалаланы чечивде ОИК булан бирче иш гёрме болагъанын да билдире. Бу якъларда паракатлыкъ болсун учун, Россия гележекде де гъаракат этме гъазир.

Оьзюню янындан Э.Игъсаногълу билдирегенге гёре, ислам дюнъя Россия бу къурумда къаравчу экенин арив гёре ва ОИК булангы аралыкълар ювукъ болурну яны да дюр.

Афгъанистанда наркотиклер неге аз болмай

Америкалылар Афгъанистанда тураган заманны ичинде наркотик чыгарыв неге кемимей, терсине 40 керенлеге артгъаныны себебин ачыкъ этген. Оьзюнден опиум этеген пайпекелер оьсеген авлакъланы яллатса,



ерли сабанчылар бек ачувланып, къолуна савут ала экен.

Кюлкюню аз эт, неге тюгюл артыкъ кюлкю юрекни оьлтюре

Афгъанистанда дав юрюлегени 8 йыл бола ва гъалиги лап гючлю савут да уьстюнюкळे гелтирмей. Шолайлыкъда, Президент Барак Обама бу бойдагы американ асгерни санавун ардырмагъа ва дав этилеген къайданы алышдырмагъа сюе. Янгы къайдаланы ойлашывуну уьстюнде кеп-кеп генераллар, политиклер ишлеген. США асгерини бирлешген центрны башчысы Уильям Колдуэлл шо гъакъда булай дей: «Афгъанистандагы гъал Иракъдагысындан эсе де бек башгъа. Асгер гючню къоллав агъамияты буса да, шо лап аслусу тюгюл. Демек, янгыз асгер гюч булан паракатлыкъгъа етмеге бажарылмас. Шогъар да къарамайлы, биз асгерни санавун ардыражакъбыз, шолар деп Президентибиз бусара. Ол асгер гючню къоллавдан эсе, оьзге къайдаланы да болдумакъны бизден талап эте», – дей генерал.

Иракъдагы ва Афгъанистандагы давланы бир-бирне ошайгъанлыкъгъа шолар экевю де битмегенлигине ва уьстюнюкळे къачан болажакъны белгисизлигине. Уьстюнюкळे учун США уллу чыгъышлар этмеге гъазир экени белгили. США-ны ва НАТО-ну асгерлери барлыкъына да къарамайлы, 2001-нчи йылдан тутуп Афгъанистанда наркотиклени чыгарыву 44 керенге артган. Бу йыл да яхшы мол тюшюм болур дей: афгъанлы сабанчылар 10 минг тон опиатлар жыймагъа умут эте. Бир-бир ахтарывчулар айтаган кюйде, асгерчилер пайпекелер авлакъланы янындан оьтегенде, шолар зарал этмеге къоркъуп, сабанчылагъа къол силлеп гетежек.

«Наркотик оьсюмлюклени къырагъанлыкъ бизге къаршы турувну толкъунларын гётере. Неге тюгюл, биз адатланган яшавну тозабыз ва вилаятланы гелиминден къуру этебиз. Пайпекелер авлакъланы яллатмакъ – ерли халкъны дав этдиртмек бола», – дей баш гётеривню басылтаган бёлкюню къуллукъчусу майор Нил Смит. Бу масъаланы гъакында алда бир американ асгерчи де ачыкъ кюйде айтмаган.

Яхсайда оьтгерилген мажлис

Апрел айны башында Хасавюрт райондагы бырынгы Яхсай юрда дагыстан алимлени гезикли мажлиси оьтгерилди. Айда бир керен оьтгерилген булай мажлислер бу гезик къумукъ юрда болду. Гъаманда йимик, булай жыйында республикабызны ер-еринден хыйлы алимлер ортакъчылыкъ этди.

Бу мажлисте республикабызда белгили алимлер агъамиятлы насигъатлар охуду, жыйылганлар билмеге сюеген соравагъа толу жаваплар берди. Бу кепдеги жыйындарда мавлет охумагъа, нахидлер айтмагъа арив мердешге айланган.

Сав Дагыстандан жыйылганлар бу мажлистен алимлени берекетин аларгъа умут бар, ондан къайры, дин илмудан шайлы билимин де ардыргъаны шексиз. Шолайлыкъда, бу ва бу кепдеги оьзге мажлислер дагысын айтмаганда, уьмметни бирлигин, дос аралыкъларын беклешдиривге бакъдырылагъаны да аз тюгюл.

www.islamdag.ru деген сайтдан алынган

СОРАВ-ЖАВАП

–Мен Магъаматмухтардан къуллукъ алганман, тек биревлер айтагъан кюнде, ол устаз тююл. Шо тюзю дагъы?

–Биревге де тынгламай, кимден къуллукъ алган бусагъыз да, вирдлеригизни, зикирлеригизни этигиз.

–Эри къатыныны бетине урса, не гюнагъдан санала?

–Булай деп сорагъанча алдын, къатын эрини айтгъанын этип, шо даражагъа этишдирмесе яхшы. Амма эр де, оздуруп урмагъа герекмей, айрокъда къатынны бетине. Ислам динде биревню де бетине урма ярамай, гюнагъ бола.

– Ватан радиогъа музыкалар неге саласыз, шо яраймы?

–Бир радио учун да биз жавап бермейбиз. Шо соравну олагъа бермеге тийишли.

– Къуръан аятланы музыка булан айтмагъа ярайму?

–Ярамай.

– Тиштайпалагъа явлукъ байламаса, гюнагъмы?

– Явлукъ байламакъ – къатынгиши учун борч ва шону кютмесе, гюнагъ бола ва гъар ят эргиши озюне къараса, болагъан гюнагъда да ол айыплы болур.

– Мен тувмадан етим къыз алып сакълагъанман. Ол гъакъылбалыкъ болгъан сонг, ону булан бир уйде янгыз къалмакъ гъарам дейлер. Мен не этмеге герекмен?

– Ол яшгъа къарагъаны бек зувап иш, тек алып сакълангъан яшгъа озъ авлетинге йимик янашма ярамайгъанны ва ол ят экенни унутма да ярамай, шону яшдан яшырма да тюзмей, ялгъан айтмагъа да герекмей. Яш алып сакълангъаны белгили кюнде къалса, бары да зат ерли-еринде болажакъ, дагъы ёгъесе шо айтылгъан масъалардан баш алмагъа бажарылмас. Геч буса да, шо сакълангъан яшгъа гертини айтмагъа герекдир.

–Къуръан охуйгъанда, намазгъа чакъырагъанда, хутба охулагъанда салам бермеге яраймы?

– Азан охуйгъан адамгъа салам бермеге яхшы тююл (карахат санала), тек салам берилген буса, азан охуйгъан гиши жавап бермеге герек, тек азандан сонг берсе яхшы болур. Къуръан охуйгъан адамгъа да салам бермеге яхшы тююл, тек берилсе, охуйгъан адам жавапланмагъа герек. Хутбагъа тынглагъанлагъа да салам бермеге яхшы тююл (карахат санала), тек берилсе, ким буса да жавапланмагъа герек.

–Гишиге берилген борч бар туруп, къурман сойма да, мавлет охума да ярамай деп айтыла. Шо тюзю?

–Шолай деп айтылагъанны себеби ёкъ тююл. Амма къурман сойма да, мавлет охума да, борчгъа алгъан адамыгъыз къаршы болмас деп эсигизге геле яда шондан ихтияр алгъан бусагъыз шоланы этмеге ярар.



Ас-Салам-фото

–Гёмюлген адамны 40 гюнден чыгъарып, янгыдан гебинлемей гёммеге яраймы?

–Бир гёмюлген адамны къайтарып, чыгъара турмагъа ярамай, тек узюрю себеп болуп шолай этилген сонг, янгыдан жувмагъа тарыкъ тююл (озокъда, бир керен жувулгъан буса).

–Бир-бирибизни сюегеник 8 йыл бола. Адамларым ол адамны суймей, атам ёкъ, тек анам ол яшгъа рази. Мен не этегенни билмеймен. Кёмек этигиз хари.

–Атанг ёкъ буса, шону орнун уллатанг, уланкъардашынг, агъайынг (атангны озге къардашы) тутмагъа герек. Ананг да рази бола болгъан сонг, бу масъаланы маслагъат булан чечмеге бажарылар.

–Бусурман тююл адамны гёмегенде шонда бармагъа яраймы?


–Бусурман адам бусурман тююлюню ахырынчы ёлуна салагъанда ортакъчылыкъ этмеге бола, эгер шо адам ону къардашы, хоншусу яда къурдашы буса. Амма шо танымайгъан адам буса, шолай этмеге гери урула.

–Эртенги намазгъа гелмейген имамны артындан намаз къылмагъа яраймы?

–Ярай, мунда бир пуршавлукъ да ёкъ.

МОБИЛЬНЫЙ БАЙЛАВЛУКЪ

Аявлу охувчулар, янгы рубрикабызгъа SMS-лер геле.
Тюнде шоланы беребиз.
Гележекде де шу номерге язмагъа боласыз:
8988-296-94-22



–Уйренмеге суймейген къызардашыма намаз къылмагъа гюнден уйретмеге сюемен, шо гюнагъгъа саналамы?

–Намаз этмесе бола гюнагъ. Бу иште ёравлу кюнде англатса, озокъда, яхшы болур. Амма намаз этмеге гюнден уйретсенг де, шону къылмагъанда, гюнагъ янгыз къылмагъан адам учун бола. Гюнден намаз уйретивде гюнагъ ёкъ, етти йиллыкъ чагъындан тутуп яшланы намазгъа уйретмек шогъар жавап берегенлеге борч.

–Къызны къачырма яраймы?

–Алда да бир нече керен айтгъанбыз, гъали де такрарлайбыз: къыз къачырыв ислам дин булан гери урула, бусурман адам шолай этмес, шо саялы гюнагъ бола.



–Гъайизни вакътисинде намаз къылмагъа яраймы?

–Ярамай, гъайизни вакътиси битгендокъ башламагъа тарыкъ. Этилмеген намазланы тёлеп къылмагъа да тарыкъ тююл.

–Уллу чагъында къатын алгъан буса, не йимик буса да къоуду телемеге тарыкъмы?

–Не чагъында буса да къатын алагъан гиши бир къоуду (штраф) да телемеге борчлу тююл.

РУЗНАМА

МАЙ (ЖУМАДУЛЬ АВВАЛ)

ДНИ	Утренний Ас-СубхI	ВОСХ.	Обеденный Аз-Зугър	Послеобеден. Аль-Гаср	Вечерний Аль-Магъриб	Ночной Аль-Гишаъ
1	3.47	5.40	13.00	16.39	19.52	21.31
2	3.45	5.39	13.00	16.40	19.53	21.32
4	3.43	5.36	13.00	16.41	19.55	21.35
6	3.40	5.34	13.00	16.41	19.57	21.38
8	3.35	5.30	13.00	16.42	19.58	21.41
10	3.31	5.27	13.00	16.42	20.01	21.44
12	3.27	5.27	13.00	16.43	20.04	21.47
14	3.24	5.25	13.00	16.43	20.06	21.50
16	3.20	5.23	13.00	16.44	20.08	21.53
18	3.16	5.21	13.00	16.45	20.10	21.57
20	3.12	5.19	13.00	16.45	20.12	22.00
22	3.10	5.17	13.00	16.46	20.15	22.05
24	3.08	5.16	13.00	16.47	20.16	22.08
26	3.05	5.14	13.00	16.47	20.18	22.11
28	3.01	5.12	13.00	16.47	20.20	22.13
30	2.59	5.12	13.00	16.48	20.21	22.16

Учредитель – Благотворительный фонд «Путь». Газета печатается по согласованию и одобрению Духовного управления мусульман Дагестана

Редактор – Азиз МИЧИГИШЕВ

Компьютерная группа – Асият ХАНОВА, Ахмед МАГОМЕДОВ, Гульнара АБДУЛАЕВА

Менеджер – Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации ПИ № ФС 10-6401 от 15 декабря 2006 г.

При перепечатке ссылка обязательна.

Набрано и сверстано на компьютерной базе газеты «Ас-Салам».

Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 25 апрель 2009 г. Тираж 3700 экз.

Адрес редакции – 367015, РД, г. Махачкала, ул. М. Ярагского, 128. Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале – (8722) 914-222.

E-mail: info@assalam.ru; www.assalam.ru

В ГАЗЕТЕ ИМЕЮТСЯ ПЕРЕВОДЫ СВЯЩЕННЫХ ПИСАНИЙ, ПОПАДАНИЕ КОТОРЫХ В НЕЧИСТОЕ МЕСТО ПО ШАРИАТУ НЕ ДОПУСКАЕТСЯ!

Бу соравлагъа жавапланы гелеген номерде бережекбиз ва